

# सद्गुरु पादुका माला

लेखक  
मखन लाल कुकिल्ह

मूल्य







आय लगिनय रोजुम दयाये ।  
बल लगिनय अथ ही काये ॥





## सद्गुरु पादुका माला



सद्गुरु निष्कल मुख म्य हाव लो ।  
मुकलावुम ज्यत मर मुख म्य हाव लो ॥

- १ डल पम्पोशो द्रास अज स'लस  
ईशबर के घाट तल । मुख० ।
- २ श्याम सुन्दर लालो कूत चाल च्योन छोह  
गनेमच छम चा'ज कल । मुख० ।
- ३ गोपीनाथो वृच म्यानि गोपी  
मत करतख गांगल । मुख० ।
- ४ अज वारि साने जाव गिलि दूरा  
शोलान छु जर जर । मुख० ।
- ५ बुलबुल कुकिल भल बोलान छि चा'ज बोल  
चराचर कि आसर । मुख० ।
- ६ राम राम रमणाव रंगनाव म्योन दित  
मुस गंगि हंदि जल । मुख० ।

- ७ आमुत ब. डेडि प्यठ प्योमुत लुरन तल  
चामुत छुम अल अल । मुख० ।
- ८ दिल छुम तोषान डेशान अजूचात  
वालवाशि लगुस छल । मुख० ।
- ९ ही तनि जुजुर चाम रोवुम म्य आराम  
लोल नार यख ब. गल । मुख० ।
- १० राज दशरथ सुन्द ओसुख च सन्तान  
राम सन्दि टाठि गुरु । मुख० ।
- ११ काक घद अ'स्य भाग्यवान जाख पान भगवान  
हरनि जगि हुन्द मल ॥ मुख० ॥
- १२ थारि छुस द्रामुत धअर छुम प्योमुत  
वअ म्य हाव सत्, नत ढल ॥ मुख० ॥
- १३ जार कयथ दूरि कूठ ज्यूठ छुम सफर  
बेमार कयथ बल ॥ मुख० ॥
- १४ छुख म्योन टोठ मोल जिगरस म्य छुम होल  
दिम तार यमि भवसर ॥ मुख० ॥
- १५ यिमव विषय नागव बुलमुत छुहोम नाल  
कर म्य अथरुट, गछ यल ॥ मुख० ॥
- १६ क्रोधन ब. जोलनस मोहन व्यसरोवनस  
शेहलाव उपदेश जल ॥ मुख० ॥



- १७ सुन्दर छि वेला अनुग्रह बुज कर  
मनुष्य रूप ईश्वर ॥ मुख० ॥
- १८ फरहन्ग्य स्वदेशी योगी त. भोगी  
करान लोल मुहर छल ॥ मुख० ॥
- १९ अ'न्य सारि सारान छारान गुलन मंज  
लभथ वुन्य, कमि छल । मुख० ।
- २० मन मंजलिस मंज, ललवथ अथन प्यठ  
वथरय जरियि मखमल ॥ मुख० ॥
- २१ हता काव गाव अज वनतो लालस  
खार थुवनम मानसबल । मुख० ।
- २२ मूढ छुस अनजान छम न केह पा'रिजान  
ज्ञान दिम निज योग बल ॥ मुख० ।
- २३ आस कति जास क्यथ गछ कोत खबर छा  
कुरुम च्यय प्यठ तोकल । मुख० ।
- २४ होश दिम असलुक मसलत म्य यी छम  
सिरियि नेरिहेम अबुर तल । मुख० ।
- २५ आद.नकि लालो वाद छुय च्य कोरमुत  
यीर मा गछ बडि डल । मुख० ।
- २६ रीशि रोशि नीरिथ जाग ह्यथ ब. प्रारय  
दादि चानि गजिम जु'ल ॥ मुख० ॥

- २७ माय चानि द्रायोस स'ल लोल नावे  
नाव लजिमो क.दल तल ॥ मुख० ॥
- २८ अज ताज प्रारान रोवुम म्य ह्यसहोश  
मत रोशतम गळ नल ॥ मुख० ॥
- २९ यथ दुहस चा'निस लगह ब. पा'रि पा'री  
त्राव भरजन ता'रि यल । मुख० ।
- ३० क्यथ प्राट कामुक लूभुक यि गोण मूल  
ज्ञान द्राति करुस छल । मुख० ।
- ३१ शुभवुन यि दरबार शेहलान छि दीह नार  
कासतम यिम अरसर । मुख० ।
- ३२ अथ प्रकाश रोयस पोंपुर ब. कर गथ  
दज्जिथ गळ ह. निरमल ॥ मुख० ॥
- ३३ यिमन पाद कमलन करय पान अर्पण  
न्यथ ब. रोज ह. यिमन तल ॥ मुख० ।
- ३४ रुख मुख हावतम भावतम पनुन राज्ञ  
म्यति कड अज तुहदल ॥ मुख० ॥
- ३५ खुलुव दिम मनस अज हट्यम पाप रब दूर  
वुज्यम पोज नागबल ॥ मुख० ॥
- ३६ त्रावहथ न. सातस रट्ठि रा'ति रातस  
मत दूरतम वळि तल । मुख० ।



- ३७ मन फुटराविथ दीह शुमराविथ  
तन नावहय अशि जल ॥ मुख० ॥
- ३८ अन्दि अन्दि गन्दिपोश ह्यथ अ'सि छि प्रारान  
वसवनि हेरि तल ॥ मुख० ॥
- ३९ साधनाय सू.ती सिद्ध कांह न. सपदान  
गुरु अनुग्रह मात्र बल ॥ मुख० ॥
- ४० ज्ञान दीप हावतम गालतम मुहुक मल  
गटि मंज होस गळ यल ॥ मुख० ॥
- ४१ वोतुम दिवान व'जि प्रारान ब. यच काल  
पननि घरिके यारबल । मुख० ।
- ४२ वेदन पुराणन शास्त्रन हुन्दुय सार  
ओंकार रूप गुरु । मुख० ।
- ४३ हुळिमचि वारे सग दिस ज्ञान दारे  
फुलन गुल यम्बरजल । मुख० ।
- ४४ सेतारच तार बनान वज्रिथय नार  
मनहर तार स्वर । मुख० ।
- ४५ वुग तलि कुरुनम बोलबोश कारिपति  
दीह लरि कुरुन खर । मुख० ।
- ४६ गुणमात ग्यवान छी रूजिथ ज़रन मंज  
म्यति भासतम कासतम थर । मुख० ।

- ४७ ज्ञान कम कलाय व्यञ्ज मन्तार म्य अजिगोट  
अजिगटि हन्दि गाशधर । मुख० ।
- ४८ विषयन हन्दि भ्रम मृगतृष्णाय सम  
दञ्जवन्यि अमि नार । ॥ मुख० ॥
- ४९ पोशनूल म्याजो बोज म्येज नालय  
त्रावुम वुज पंजर यल । मुख० ।
- ५० कामदेव म्याजे जिगरस म्य गा'म आ'ल्य  
चाक दिम सीन तल ॥ मुख० ॥
- ५१ छोरमख म्य बालन पीरपंचालन  
अमरनाथचि गुफि तल । मुख० ।
- ५२ कमि ताज हूरे दित म्य न्यून चूरे  
सरिश्वर कि बाल तल ॥ मुख० ॥
- ५३ अमार चाजे कम कम सितम म्य चा'ल्य  
काच जून मा व. गल ॥ मुख० ॥
- ५४ तुर्या सुषसि जागृत म्य कथ किच  
मत डलतम नजरि तल ॥ मुख० ॥
- ५५ सपदे म्य यखसान बुछि ह. व. नूरान  
छुख नार वुजमल ॥ मुख० ॥
- ५६ यलि काल शाहमार हटिसय वल्यम नाल  
चाजम त'रय अल अल ॥ मुख० ॥



- ५७ द'यि हन्ध्य तावन लोहनस ब. शापन  
करुम शुद्ध शीतल ॥ मुख० ॥
- ५८ पतकालि वुनमुत भोवमुत छुल्ल सीर  
रख्यून सोऽहं बल । मुख० ॥
- ५९ स्वात्म रूकुल लाभ अन्त रुल्ल छु सहलाव  
निशि वुल्लमख खनबल ॥ मुख० ॥
- ६० रास खयूल गोपियव तन मन मशरिथ  
गन्ड वथ गयि यल ॥ मुख० ॥
- ६१ सिरिय छुम तोषान चन्द्रम रोशान  
सं'ज मंज म्य वुल्लमख छल ॥ मुख० ॥
- ६२ आदनय यम्य कुर पान सर तस क्याह  
संसार सन्य सर ॥ मुख० ॥
- ६३ तिष्य तय पुनर्वस शारिका प्रभाजी  
ओलान निश क्षपाकर ॥ मुख० ॥
- ६४ सुदराह मन्दिथय नव रत्तन मंज  
कालकूट रत्तधर ॥ मुख० ॥
- ६५ रंग कुठि थावहथ सा'विथ प्रंगस प्यठ  
युथ न. रोजिही पोत कल । मुख० ।
- ६६ भक्ती गनेयम थुवनम न. आवताव  
मस गयस ब. मसवल ॥ मुख० ॥

- ६७ रत्न रूप दुजट्टव्य क'त्याह छि खोवान  
न्यथ छि रुजित हटि तल ॥ मुख० ॥
- ६८ सोंतवाव जुव चाव कुल्यन घास बरगन  
ब्रड्य - मुश्क सुन्दर ॥ मुख० ॥
- ६९ ब्रह्मरन्ध्रस मंज्र वुज्जान यस अज्जर रस  
खस वस छि त'स्य खर ॥ मुख० ॥
- ७० लाल छिय व'छान ज्ञन्यि वा'ली वनन मंज्र  
दिम म्य जान करथ सर ॥ मुख० ॥
- ७१ ह्यस दिम ब. युथ रोज्ज वुद रात तय दन  
सुरान न्यथ हर हर । मुख० ।
- ७२ मायाय हुन्द जोर, लुग कस, अथ खोर  
कर दया बेमार बल ॥ मुख० ॥
- ७३ मा'रि मन्दि म्याने थवुथ क्याज्जि खारय  
छोख म्य तेज्ज नेज्ज चा'ल्य ॥ मुख० ॥
- ७४ बूजुम परन्दस नेरि सअल रहवर  
करचम शोख वाव माल । मुख० ।
- ७५ शैव दर्शनकुय, सार पूर पाठ्य चोथ  
बन्योख जूग्य नरवर । मुख० ।
- ७६ अछि लज्ज दरसय वुद्धिजि अज्ज हरसय  
यितम नत लग दर । मुख० ।



- ७७ कुल्य क'टि छि खुशहाल बुद्धोन अज्ज नन्दलाल  
ना'ल्य त्रावहोस पोशमाल ॥ मुख० ॥
- ७८ ज्ञखमन म्य तुलित्थम नम सूति स'न्य क'रथ  
दादि चानि द्रास दत्त ॥ मुख० ॥
- ७९ प्योमुत्त वुन्यूवस मंज्ज छुस रिवान वस  
साध माल्यनिकि बोज तत्त ॥ मुख० ॥
- ८० दाग छिम जामन खोचान लूक पामन  
छलुम पननि यारवत्त ॥ मुख० ॥
- ८१ दूरि दूरि रूज्जित्थ लोयथम दोल कान  
सीन दोरमय दिक्खवर । मुख० ।
- ८२ रूदुय च्य खोफ रट्ठित्थम तनय गोफ  
चूरि थवहथ मानसवत्त । मुख० ।
- ८३ आशुतोष म्यानि चलुख दूर वालन  
सीध त्राविथ मार'वत्त । मुख० ।
- ८४ ल्यदरि बठि द्रासय छांडान च्य आसय  
शेषनागकि वाल तत्त ॥ मुख० ॥
- ८५ बालयार नेर वुज छाव सोंत्त फुलया  
साल निमहथ अछवत्त ॥ मुख० ॥
- ८६ खु'र चा'ज चूमनय लच्छि अछि गुलिस्तान  
चीर रट्ठनय वच्छि तत्त । मुख० ।

- ८७ सूर छुय च्य मुलमुत अथ नूर बदनस  
म्यानि हित्य दरदिल । मुख० ।
- ८८ उगन्यार सन्यर म्योन व्यपराव अन्दर कुन  
थवुम न्यथ नखतल । मुख० ।
- ८९ क्याह ग्यवव वनव क्याह नर छुस ब. अनज्जान  
दिम म्य ज्ञान मन्त्रवल ॥ मुख० ॥
- ९० तारवोल छुख च्य नत कयथ तर ब.  
करान छुस छुर छुर । मुख० ।
- ९१ कर सना च्य फेरी माय राय म्या'जी  
म्याजि बडि ईश्वर । मुख० ।
- ९२ क्याह छुम ब. हावय मन भांमरयोमुत  
ज्र'ट म्य पुठ गयम नाल ॥ मुख० ॥
- ९३ कायायि वारे ववुम ज्ञांह न. सत् ब्योल  
भूगान छुस कूठ फल ॥ मुख० ॥
- ९४ हाव त्युथ दुहा दय करहय ब. पूजा  
तन मन अशि जल ॥ मुख० ॥
- ९५ दिल दादि चाने ददुम ही गुसाजे  
जाग ह्यचमय डबि तल ॥ मुख० ॥
- ९६ ओश म्यानि क्याजि छुख चलान रूशियय दूर  
मत मारतम अमि जर ॥ मुख० ॥



- ९७ जप माल चा'जी लोल सान, मन्य मंज सुस्थि ध्यान  
थवथ न्यथ ब. हटि तल ॥ मुख० ॥
- ९८ दास गंजरावतम कामि कुचि लागतम  
युथ न. गळि हेम अदर खल । मुख० ।
- ९९ दुःख मूल संसार दज्जवुन छु तुलनार  
मुकलावतम कुज छुज ॥ मुख० ॥
- १०० चित् सूर्य म्याजे ल्यूखथम क्याह लाने  
चानि आशि पोश फुल । मुख० ।
- १०१ गुलि आफतावो सुंबलव च. वुछहोख  
वज कुड होख कमि छल ॥ मुख० ॥
- १०२ मटि छुय च्य म्योन भोर घाट वातनाव अपोर  
छुख च्य व्यापक जल थल । मुख० ।
- १०३ अ'रचर यि म्योन बोज्ज दोज्जि कुस च्य रुस म्योन  
बोज्जतम छुम बोड शर ॥ मुख० ॥
- १०४ अभिनवगुप्त ओस, शैवशास्त्र विद्वान्  
वहिख बा'श्य जाव नविसर ॥ मुख० ॥
- १०५ वोन म्य यि अ'रचर, गालतम यीचर  
जगतकि चराचर ॥ मुख० ॥
- १०६ प्रारान ब. वारे, कर म्य सगहम वारे  
फुलन पोष मखमल ॥ मुख० ॥

- १०७ रूद कस त. रोजि कस टाठि देहकुय मान  
का'ल्य मेलान म्यचि तल ॥ मुख० ॥
- १०८ विनती बोजतम हनि हनि रोजतम  
त्युथ म्य चाव मुय युथ न. डल ॥ मुख० ॥
- १०९ कुकिल कुकिलिस सान सोंत वाव बोलान  
विहिथ वतलरिच तल ॥ मुख० ॥

—  
नं० २

सद्गुरु वार म्येज बोज लोल वा'णी  
अज अच आंगन सा'निये  
तन तज मंज गुन लोल तेल'जी अज०

अनुग्रह करतम वर पाद चा'जी  
बोज न्यथ असृत वा'णिये  
राह म्य क्याह छुम करतम मेहरवा'नी अज०

निशि रूजित छुख दूर म्य थवा'नी  
सीर पीरस छि भाव'निये  
क्याजि छुख डाल दिथ छाल मार'नी अज०

चानि शाय प्राय रूजिथ व. तोष'नी  
दूरचर ह्यस म्य राव रानिये  
कर मिलाप सपदेम छुस व. प्रारा'नी अज०



कुंग पोश ह्युव बुछमख प्रजला'नी  
 नूर फु'ति फु'ति पशपा'निये  
 अमि रूप भासतम शोल मारा'नी अज्ज०  
 छोख म्य जिगरकि यिम छिम न सोरा'नी  
 गरि गरि मुख म्य हावा'निये  
 सुख मुख घट गाश यिथ छि व्यसरा'नी अज्ज०  
 सास-गाश क्याह वनय बोज्ज यि नादा'नी  
 मंज्ज चलुम घटि नुन्द वोनये  
 भ्रम म्य द्युतनम लुस अथ मूरा'नी अज्ज०  
 लूख दपान कांसि हुन्द लुन बोजा'नी  
 वाव मंज्जि ग्राव रावा'निये  
 म्योन आ'सिथ लुख क्याज्जि दूरा'नी अज्ज०  
 चेतन अ'तन रोज्जिहेम न. पहचान  
 यलि सपदेम प'ज्जि पाज्ज यखसान  
 रोज्ज ह. ही तन चा'ज छावा'नी अज्ज०  
 लछि वाल्यन कळ अथि न यिवा'नी  
 बजि मन्दोरि त्रावा'निये  
 का'ल्य सूरचन कमन सूर सपदा'नी अज्ज०  
 लुख पान साकी व्ययि मुयखा'नी  
 नटि नटि मुय च. चावा'निये  
 जाम दिम त्युथ युथ ब. रोज्ज च्यय सुरा'नी अज्ज०

मनि मंज थविथय खुजि ललवा'नी  
मच् भक्ति छम चा'निये  
वार पूरच चावतम छुम व. तम्बला'नी अज्ज०

व'न्य थविमय वति वति छारा'नी  
लोल सान छुस व. प्रारा'निये  
क्षण क्षण मंज वुन्दस छुम भासा'नी अज्ज०

दय दिम सबूरा कर मेहरव'नी  
कर हल्यन कल्यन नजरि सा'निये  
मन नाग दाग म्येज रोज्जुम छला'नी अज्ज०

ईश्वर स्वरूपस यूगी त. ध्या'नी  
ध्यान करनस ति खोचा'निये  
सुय खलकन अज्ज लोल बगरा'नी अज्ज०

कयथ गव म्युल असि छम शादमा'नी  
मस्ती हनि हनि चा'जिये  
मत ह्यत पोत गल्लचम जाय जवा'नी अज्ज०

लोल शोल नार कयथ चू रि रोज्जा'नी  
छुय जेरि अकि शोला'निये  
कर दया रोज्ज हय प्राण च्य वन्दा'नी अज्ज०



म्य छम श्रीरामज द्र'य सद्गुरु लक्ष्मण चय छुख सुय  
ह्यरि बुन वुछमख व्यापक चय अमर नावस लगहय व'य ॥

वीदव वखनोव उँकार चय शास्त्र चय शास्त्री चय  
ताजदार यूगियन हुन्द छुख चय सद्गुरु लक्ष्मण०

दश्य त. दृष्टा दुनवय चय भोग्य त. भोक्ता ज्ञोनमख चय  
अछयन हुन्द अछि गाश छुहम चय सद्गुरु लक्ष्मण०

तत्त्वं वेदान्तुक ज्ञान चय शैवी सोऽहं सद्ज्ञान चय  
जा'ज हुन्द ज्ञान करनावान चय सद्गुरु लक्ष्मण०

अद्वैत ज्ञानुक आगुर चय आधार चय आधेय चय  
भासमान न्यथ छुख दम दम चय सद्गुरु लक्ष्मण०

क्रिया इच्छा ज्ञान छुख चय उपाय त्रय कुय संगम चय  
ज्ञान जल कासान गांगल चय सद्गुरु लक्ष्मण०

सृष्टि स्थित रूप लय रूप चय कारणन हुन्द छुख कारण चय  
वज्रवुन अनाहत नाद व्यन्द चय सद्गुरु लक्ष्मण०

अगम अगोचर निष्कल चय चित् सूर्य सुन्द नुन प्रकाश छुख चय  
कमि रूप मानथ ज्ञानथ चय सद्गुरु लक्ष्मण०

केवल चराचर रूप छुख चय क्याह छुख चय क्याह न स छुख चय  
केह न. मंज क्याह ताम भासवुन चय सद्गुरु लक्ष्मण०

नाना शब्द सागर छुख चय वखनान भ्युन भ्युन व्याख्यान चय  
तार भवसर छुख तारवोल चय सद्गुरु लक्ष्मण०

क्याह वनन सार पोथि सार छुख चय

भाष्यकार सुन्द महा भाष्य छुख चय

संज्ञ मंज्ञ साधनाव राम राम चय सद्गुरु लक्ष्मण०

अज्ञपा ज्ञप किज जुपमख चय अन्दरी थोवमख सन्दरिथ चय

स्वात्मदेव सुन्द नोन प्रकाश छुख चय सद्गुरु लक्ष्मण०

सर्वव्यापी छुख सर्व रूप चय हावतम त. भावतम मंत्र ज्ञान चय

नावनारान सुन्द शिवरूप चय सद्गुरु लक्ष्मण०

हृत् वीणाय हुन्द रस्युल नाद चय गीतरूप गेयरूप भावरूप चय

मूर्ख छुस ब. वेद्यस ह्यमदार चय सद्गुरु लक्ष्मण०

प्रकाश विमर्श रूप छुख चय ग्रहमण्डलस मंज्ञ भास्कर चय

श्वास उश्वासुक नियन्ता चय सद्गुरु लक्ष्मण०

क्याह वन छुस पोश ज्ञानवान चय

निजानन्द निरानन्द धन छुख चय

यम थरि निश मुकलावतम चय सद्गुरु लक्ष्मण०

मायायि हुन्द राज्ञ ज्ञानवुन चय मायातीत मायामय चय

तीव्र साधनाय हुन्द साधक चय सद्गुरु लक्ष्मण०

तुर्या सुषप्ति जागृत चय तुर्यातीत रूप भासवुन चय

बुद्धनस लायख दीदार चय सद्गुरु लक्ष्मण०



तार यमि भवसागर मंज्र चय, चय छुख चय गाल अस्य मूल द'य्य  
बोज म्योन आ'रचर रळतम चय सद्गुरु लक्ष्मण०

नं० ४

अज्ज छुम घन्योमुत लोल चोन मुख हावतम सूरय मत्यो  
दादि चानि रुम रुम छिम रिवान मत मारतम वारय मत्यो ॥  
विषयव निशी सुलि सावतम वुज्जनावतम रूज्जिथ हुशार  
न्यथ नाव चोन गळ ह. स्वरान तिळ व्रथ म्य घजरावतम मत्यो ॥  
रासस दुहप कथ कारस'य लोगथस फस्योसं अथ जारस'य  
हनि हनि म्य गोम सोरुय नशान अथ ख'त्य ब. गोस हावान मत्यो  
पत ब्रोंठ बुछान गोस दम दमय हर्षस गळान गोस क्षण क्षणय  
शुरि बा'च. ति तिम छिम अज्ज असान  
जालस फस्योस यति ब'लि मत्यो ॥

फलिमत्य वुछिथ कम कम गुलाव संसार वनस'य बेहिसाव  
जोरि चानि सूति तिम फुलान जाज जाज म्य जोनुय ना मत्यो ॥  
सुब-शाम करान र'ट्य रुळ यि गथ कुस छुस बनान गरि गरि च. वुथ  
आफताव नभस यित गळ करान भुंभि चानि हंज्जि जेरे मत्यो ॥  
अमार चाजे द्रास गरे छारान गोस कोह बाल नये  
पय द्राम न. गोस अ'श दार हरान कथ जाय छुख चूरे मत्यो ॥

बूजुम च. छुख विन्द्रा वनय लारचोस व. पनने तावनय  
 रोवुस तते रछ रछ छटान कति चोन आस्तान छुय मत्यो ॥  
 कैलास छि चोन बूजुम स्थान साधनाय मंज्र थथ न्यथ थवान  
 स'धिथ त. सखरिथ गोस दवान मूरान व. गुत्य रूदुस मत्यो ॥  
 तिर्थन व. मोसय छा'रनी तमि वाजि तन मन नावनी  
 रूदुस अहर्निश ध्यान धरान चल चित्त न. ठहरचोम जांह मत्यो ॥  
 ॥ वौतुम हटिस प्यठ आस पतुय दामन यि चोन रटन्ये यतुय  
 कठतम म्य तर गुत्य छुस गंडान मत मंदछावतम वुज मत्यो ॥  
 ॥ ॥ सोंवरिथ ति साधान छुम न केह प'रि प'रि ति लारान छुम न केह  
 क्यथ प'छ्य गत्यम दीहुक यि मान कांहछा वथा हावतम मत्यो ॥  
 ॥ मल छुम न गोलमुत क्याह वनय खीद छुम स्यठाह लोगमुत तनय  
 जोलान चठतम छिम वलान जालस व. लोगमुत छुम मत्यो ॥  
 स'ह छुम ग्रजान अन्दरचुम सुन्दर बूज्य बूज्य ति रूदुस घेखवर  
 भव नाव दुहय रूदुस सुरान अथ खोर लग्यम क्यथ पा'छ्य मत्यो ॥  
 ॥ नादान छु जेरी ह्यस लभान नादान छु वुछ वुछ गु'श दिवान  
 ॥ ॥ दिम ह्यस व. रोजय गथ करान परवान बनिथय अज्र मत्यो ॥  
 सरतलि त. त्रामस सोन करान पारस रत्न यलि तथ लगान  
 ॥ ॥ मन म्योन छु सरतल सुय हना शुजरावतम वारय मत्यो ॥  
 नदियन कुलन हुन्द मअल वोज गंगाय संगमुक पाक पोज  
 ॥ ॥ यखसान वा'तिथ छुख गछान आगुर म्य समभावुम मत्यो ॥



भाव छा व. ननि पा'ठ्य हावसय नाव छा लगान घटि वाटसय  
 येरान ब. ओल गोस भाव सान छ'ठ मा करचस तुज्य तुज्य मत्यो॥  
 मन वारि त्राव्योम सात व्योल हेत्य द्राम न. ज़ाह द्युतमस म्य ज़ोल  
 क'ल्ल क'ल्य गयोसस सग दिवान साथ मा कुसाथ ओसुम मत्यो ॥  
 आर पल ब. आरस मंज्र बिहिथ आर पानि तन मन शुद्ध करिथ  
 दक खयथ ति छुस बे ह्यस बनान असराह न सपद्योम ज़ाह मत्यो ॥  
 बागन अन्दर नाना चमन लूभवन्य मुशिख छख दिल लुभन  
 वुछिह मुश्व कति छम म्य जान नज़राह म्य तिछ दिम अज्र मत्यो ॥  
 छु'टि पा'ठ्य वनय ज्ञानय न केह रोट छुम न सारान चोन स्नेह  
 वोनमय म्य लो क दास्तान अस्तान म्योन छुख चय मत्यो ॥

नं० ५

सद्गुरु छुख बिहिय प्रथ जाये सग दिम पननि ज्ञान गंगाये  
 बल लगिनय अथ ही काये आय लगिनय रोज़ अज्र दयाये ॥  
 यच कालक्य सौंवरिथ अरमान क्यथ नेरनम सपदहा शादमान  
 लोल छाव हय वनतम दाये आय०

मस्ती हुन्द आलम क्याह जान  
 पननि रूपचि ति रोज्ञान न. कांह ज्ञान  
 रिन्द बनिथय बनान छिन्न राये आय०

बूझमुत छुम म्योन अश्क पेचान अजिघटि ओस पान रज्जि खारान  
त्रावान ओस अन्न पन त. माये आय०

बोड दा'नी ओस नावनाराण पेश थविनय कम साज्ज सामान  
दक दिथ गोख कथ राज्ज जाये आय०

घद का'चाह अ'सय भाग्यवान भगवान आ'स युस पान ललवान  
मज्जि मंज्ज आ'सय करान नाये आय०

कथ राज्सिय धक दिथ शोकसान  
साव गंगि मंज्ज खोटथम वार पान  
कमि द्राख वार नार द्राव स्वनये आय०

गुरु छा कांसि वा'सि यिथ रोशान पंपोश सिरियस बुद्धिथ तोषान  
भंभुर बनिथ फेर चानि शाये आय०

श्रुच स्मरच शास्त्र छि बखनान पान पननुय परिपूरण ज्ञान  
कर अथरोट छुम चोन साये आय०

अ'ज्य व्य'ज्य यलि पा'पियन चुमरान

शुमरिथ दज्जिथ छिय ह्यस व्यसरान

मुकलान फकत अकि चानि माये आय०

यलि ओश बुद्धोम मंज्ज गुलाब पोशन गोश करेमस पननी बोस्तान  
क्याज्जि लोगथम बेपरवाये आय०

राज्ज हं'जा बुद्धोम नाव वायान स्वन संज्जि नावि ओस नम शूभान  
शेष-नाग ओस सूति जायि जाये आय०



चोनुथ खोर यथ महलखानस क्यथ रोजहख तथ वीरानस  
 ज्ञान सूत्यन करुथ मोह हाये आय०  
 गाश रसितिस गाश यलि होवथम डेशिना'विथ मन तम्बलोवथम  
 मु'त कोरथस यावन राये आय०  
 यलि श्याम सोन जमुनाय नेरान गूरि गूपी वत छिस शेरान  
 जय जयकार करान जायि जाये आय०

नं० ६

हे सदाशिव अज च्य यीनय आर म्योन  
 च्यय रुसुय कुस सोर कुस छुय टोठ म्योन ।

च्य महा योगी महा विद्वान च्य  
 च्य हा सन्तन हुन्द छुख सरताज म्योन । हे सदा०  
 शैव शास्त्रुक सिर्ये छुख प्रजलान चुपा'रि  
 घट म्य कासतम न्यथ व. युथ सु'र ध्यान चोन । हे सदा०  
 पीर पंचालस खसुन छुम अ'छि वटिथ  
 अथ रुटाह करतम म्य बदले करमलोन । हे सदा०  
 कास म्य अख्याति त. भासतम रात दन  
 ब्रह्मरन्ध्रस मंज म्य बुझिहे नाद चोन । हे सदा०  
 छुख चराचर नाथ रहमुक आफताब  
 छुख निरञ्जन निर्णयह कर अज च. म्योन । हे सदा०

दम ब. दिमहा छुस ब. वेदम क्याह वनय  
 लोल नजराह अख करुम चलिहे म्य ग्रोन । हे सदा०  
 हरदची जरदी गयम बेह्यम ब. प्योस  
 सोंत वावचि प्राय अन यावुन च. म्योन । हे सदा०  
 छुस ब. सारान वार छारान यार छ।  
 वार वावहस दरद दिल कुय गम यि प्रोन । हे सदा०

‘ल’ शब्द लूभस छु प्रा’टिथ दब दिवान  
 ‘क्ष’ शब्द क्षान्ति हुन्दुय आगुर म्य जोन । हे सदा०  
 ‘म’ छु मारस मारिथय पन पन करान  
 ‘ण’ नमिथ सा’री वनिव गमखार च सोन । हे सदा०

अज्ज छु जादोह भक्त ब’डि सुन्द क्याह वनव  
 देव, ऋषि छिय वन्य दिवान अ’स्य पूज्जहोन । हे सदा०

वख च. ज्ञान तप वक्तसय भर मीठ माय  
 वक्तकुय पय चानि स्मरणि सथ म्य जोन । हे सदा०

चानि जादोह फयूर पय वे अकलन  
 नाल नदियव ब्ययि कोलव ग्योव सोज्ज चोन । हे सदा०

घोन दिथ सोदरस छु अमृत द्रामतुय  
 आमतुय छुख सगवन्ये बंजर यि म्योन । हे सदा०

राजहंसा मुक्त छकने जामतुय  
 अंजराव अज्ज क्याह गल्ली कम न्याय म्योन । हे सदा०



छुख दिवाकर अख प्रकाशा हावतम  
 विगलाव मन हन्दरेमत्य वार सा'ज । हे सदा०  
 सोंबुलस कित्य नर्गिसव भ'रि लोल जाम  
 गूपियव दोप अज छु छारुन श्याम सोन । हे सदा०  
 लोल व्यनती अज क'रम द्राम बोड हुवाव  
 मूर्ख आसिथ बोजतम गुफतार म्योन ॥ हे सदा०

अथ श्री शारिका देवी स्तुतिः ।

नं० ७

“शा” शान्तिं राति भक्तेभ्यो “रि” रिपून् हन्ति सर्वथा ।

“का” कायां पापनिर्मुक्तां करोति स्मरणेन द्राक् ॥

जननि ! मे चिरं देहि विलोकन सुखं परम् ।

नभस्थ विधुवत् भाति मुखं यत्तपसोज्ज्वलम् ॥

गुरुरूप धरा गुर्घी अख्यातिर्हरणे क्षमा ।

ज्ञानशक्तिर्भवद्रम्या सर्वोत्कर्षेण वर्तते ॥

चित्रमेतत् परं मातः ! कदा चैतन्यमाप्स्यति ।

मूर्च्छितो मत्प्रकाशोस्ति संविन्मौनास्ति सर्वतः ॥

ज्ञायते न भवद्रूपं ध्यायते न भवद्रूपः ।

स्म्रियते न भवन्नाम अर्चा का कीदृशी स्तुतिः ॥

त्वत्पाद स्मरणे लग्ना निष्ठाहि सुदृढा मम ।

सुदिनेऽद्य तवास्त्येषा भवाब्धिप्लवने क्षमा ॥

वर्त्येकास्ति भवन्नाम दीपो देहः ज्वलन् मम ।

तैलं त्वत्सुस्मृतिर्मातः संगमोऽयं सुखावहः ॥

मनोरथ शतैः पूर्णं अस्तीदमीहितं मम ।

वृत्तं यत्र व्रणं भीष्मं तत्रौषधं प्रदेहिमे ॥

प्रार्थनायां भवल्लीनः यस्त्वां स्तौति अहर्निशम् ।

व्येति दुःखं महदुग्रं लभते वाञ्छितं फलम् ॥

दिने यस्मिन् त्वया लब्धं जन्म तत्सार्थकमभूत् ।

अम्ब ! याचामहे भक्त्या जीव त्वं शरदां शतम् ॥

श्री शारिके शरण्ये त्वं मम दुःखमपाकुरु ।

भक्तानां वरदात्रो त्वं ऋद्धिं सिद्धिं प्रयच्छ मे ॥

त्वमगाध गुण ज्ञान मन्थरा भवतमापहरी सुचन्द्रिका ।

ज्ञानहेतिः मलस्यदाहिका भव सदैव मयि अक्रोपना ॥

नं० ८

कमि सना ल'य किज शोलवज रेह द्राय ।

घट गज्य हंग मंग फुत्य फुत्य गाश आव ॥

दारि भर वथ्य गय वुछिथ बेहस गय

प्रछिथ हैरान गय यि कयुथ नोव जोश आव । घट०



यि छा दज्जुन नार प्रिच्छान अख अकिस यार  
यि छा नूर अम्मार न छुस जोश न छुस ताव । घट०

ईशभरच कख गय स्वनसंज वथ गय  
पकवज मस गय यि कुस नोव नूर जाव । घट०

अच्छि लजि दरसय खासुल आमसय  
सुरान अथ रूपसय ज्ञपान केवल नाव । घट०

शोर गव यि शारिका सर्वसिद्धि दायिका  
ज्ञानच्य नायिका जगि ज्ञान दिज आय । घट०

गुड़ अनवरच न्यथ गीताय दिच यथ  
मंजहोरुन सु रथय खतुस अज पुज चाव । घट०

करि कुस मुल अथ अनमोल लालस  
बुद्धिथ गय मदमस करान वावजिवाव । घट०

लोल अज छु शोलान मन तोत बोलान  
चट्ठिथ गव जोलान रटान च्योन शुभ नाव । घट०

छम म्य मन्य कामन रटहय व. दामन  
चाक दिथ जामन पोज चोन छुम भाव । घट०

बोलान छि वन ह'अर थविथ थोद थोद क'अर  
मचरिथ यि मन द'अर छुस सख लोल ताव । घट०

थ्यकिथ अज समहव समिथ साम ह्यसहव

कुनी लय वनहव छु कुन शारिका नाव । घट०

चोर आय लगिनय म्य छुम या जी  
करुम मेहरवा'नी म्य छुम चोन दढ भाव । घट०

नं० ९

छख बअढ़ शक्ती छुम चोन हावस  
चानिस नावस पूजा छय, शारिका नावस पूजा छय ।  
अज बढि दोह सर दर प्यठ त्रावय  
पजि लोलुक असर हावय च्यय  
चन्द छोन छुस क्याह शोक सान हावय । शारिका०  
चठतम बन्धन भव पाशव छुस  
बोलमुत थोलमुत लंजि हन्दि पा'छ्य  
कढतम दक दिथ बुलहोम नालय । शारिका०  
करतम अनुग्रह हावतम वारय  
यथ बुल्लुक सख चिक चाव छुम  
हरतम मोह चट वरतम वारय । शारिका०  
शुरि बा'च अ'शनाव मायाय लारान  
हारान अशि कजि मुल्लुय खून  
कांह छुम न पननुय क्यथ वथ गारय । शारिका०



तापव त्रयव सख चा'पिथ ब. थुवहोस  
 मलत्रय बनेयम साधन अथ  
 भावतम र'च इयछ र'च गथ प्रावय । शारिका०  
 नख डख रोजतम गोमुत ब. वेहाल  
 हाल क्याह वनह रोवुम बोड करार  
 दा'दिस दवाह बन अनतम करारय । शारिका०  
 जाल लुग वालवाशि जीव संसारस  
 ह्यन आव अथि मंज सपुद मुबतिला  
 क्यथ जीवस अमिस लग्यस यति तारय । शारिका०  
 यम्य चोन यछि पछि दामन रोट अज  
 अजकार आसिथ लभुन रुत धाम  
 म्यति कर अनुग्रह छुस बै सहारय । शारिका०  
 अज्ञान घटि मंज क्षणक्षण ह्यन आस  
 कासतम भासतम न्यथ जोतान  
 स्मरण जल चान्य तन मन नावय । शारिका०  
 बढि दोह करत अज म्यय सूत्य यी प्रण  
 संकल्पव रु'छ थवतम मन  
 गुजरावतम ह'ल्य अछर अज वारय । शारिका०  
 ज्ञानय योग गव योगय गव ज्ञान  
 ज्ञान योग वोनमुत छुख बोढ ध्यान  
 ज्ञानयोगुक अन्तर क्यथ छारय । शारिका०

यिथ ससारस रूढम न आव ताव  
 मन्य मंज योरुम न जांह च्योन नाव  
 दम सूरिथ लगुस अज बढि तावय । शारिका०  
 अनह'रय अनहार गुरु पङ्गिय ज्ञोनथन  
 मोनथन पननुय वत हावुक  
 छुय यूत चिकचाव गुरु छुय दयाये । शारिका०  
 गुरु छुय दयाये असि चाज माये  
 अमि माय मायाय मंज मुकलाव  
 ब्रह्मण जन्म ह्यश्च नत गछ हाये । शारिका०

नं० १०

म्योन आ'रचुर बोज कनय लोल जामन चाक दिमय  
 करनि आस च्योन दर्शनय शारिका जी बोज मनय ।  
 चानि तीजुक वरणन कस छि शक्ति क्याह वनन  
 बोल बाश यिम क्याह वनय । शारिका०  
 शेषनाग मुख सास ह्यथ छुन व्यापान वखननस  
 अकि मुख ब, क्याह वनय । शारिका०  
 मंजहोर मास क्याह उत्तम शुक्ल पक्ष द्वय मुक्त नम  
 भौमवार धनि चन्द्रमय । शारिका०



राज ज्ञानका च्योन मोल वछि वॉलिजि भरुन लोल  
जूनि यलि होव दर्शनय । शारिका०

च्योन महिमा नोन बुद्धि बाल पानय गयि चसिय  
सूरमोत कति छांडनय । शारिका०

वोन तिमव दित्य आलमस टारि कुस खसिहे सहस  
गम पनुनन कस भावनय । शारिका०

ईश्वर स्वरूप यस वनान योगिया नामी महान  
गोख कनन आयि लारनय । शारिका०

सागराह युस ज्ञानकुय शास्त्रकुय शिवधामकुय  
शाद सपदे दरशनय । शारिका०

साकार रूप युस संविधाह ईश्वर स्वरूप युस ईश्वरः  
तन मन करोस अ'सि अर्पणय । शारिका०

श्री राधिका, जियलाल जी ब्रोंठ ब्रोंठ कडख कोमल यि ही  
करनि लग्य आराधनय । शारिका०

शैवशास्त्रन खलुव दिथ द्राव साथी रुत बुद्धि  
सपज्ज यखसान तन मनय । शारिका०

परम भाव जल प्रोवथम भाव निराकार दोरथम  
भाव सोऽहं स्मरणय । शारिका०

बूझ पारय ओर योर जन्मघन कुय सख छु शोर  
कयथ ब. कर चाज अर्चनय । शारिका०

राज्यरेज हुन्द जन्मघन कथ बकार असि ख्यन त. चन  
मस छु आलम मस चनय । शारिका०

तथ दुहस सास म्योन प्रणाम शारिकाये प्रोव यलि यि धाम  
रूज करान च्योन स्मरणय । शारिका०

शक्तिरूपा शारिका भक्ति भावुक आगुरा  
चाज भक्ती छम धनय । शारिका०

राजहंस पद्मन यछान न्यूल मेघ चातकस प्रियान  
म्योन चित्त च्यय कांछनय । शारिका०

‘मार’ मोरथन नार सूत्य ब्रह्म बलके काण सूत्य  
भ्रम लद कयथ ज्ञाननय । शारिका०

मोक्ष भाव अज मा’ज्य दी वुथ करव असि हलशी  
अतगत गच्छि पन पनय । शारिका०

मेज व्यनती बालखेल अथ न मेछर बेयिन मेल  
लोल चोन छुम क्याह वनय । शारिका०



THE JOURNAL OF THE

AMERICAN MEDICAL ASSOCIATION

PUBLISHED WEEKLY

CHICAGO, ILL., U.S.A.

1915

